

ანგარიში ახალციხის მუნიციპალიტეტის მერიის მიერ 2017 წლის ნოემბრიდან -
2018 წლის დეკემბრამდე პერიოდში გაწეული მუშაობის შესახებ

ქ. ახალციხე

2018 წელი

პატივცემულო საზოგადოებავ, ძვირფასო საკრებულოს წევრებო,
ქალბატონებო და ბატონებო

ნება მიბოძეთ, წარმოგიდგინოთ ახალციხის მუნიციპალიტეტის მერიის მიერ 2017 წლის ნოემბრიდან დღემდე გაწეული სამუშაოს ამსახველი ანგარიში.

ვხელმძღვანელობდით რა საქართველოს კონსტიტუციით, „ადგილობრივი თვითმმართველობის კოდექსით“, „საჯარო სამსახურის შესახებ“ საქართველოს კანონით, საქართველოს მთავრობის ნორმატიული აქტებით, საკრებულოს დადგენილებებითა და განკარგულებებით, ახალციხის მუნიციპალიტეტის მერიამ, მისი თითოეული მოსამსახურის გვერდში დგომითა და თავდაუზოგავი შრომით შეძლო ღირსეულად ეპასუხა ყველა იმ გამოწვევისათვის, რომელიც დაგვისახა ჩვენმა მოსახლეობამ, იმ რეალობამ, სადაც ყოველდღიურად გვიხდება ყოფნა.

ჩვენი მთავარი პრიორიტეტი ხალხია. გადაწყვეტილების მიღების დროს სწორედ მოსახლეობის აზრია უმნიშვნელოვანესი. მერიის თითოეული ნაბიჯი შესაბამისობაშია მოსახლეობის ინტერესებთან. მუნიციპალიტეტის მერია მიმართავს ყველა ძალისხმევას, რომ საზოგადოება ინფორმირებული იყოს, თუ რას აკეთებს იგი, რა პროექტები იგეგმება და ხორციელდება მუნიციპალიტეტის განვითარებისთვის. ამ მიზნის მისაღწევად მერია აწყობს შეხვედრებს მოსახლეობასთან. ჩვენ მივდივართ ყველა სოფელში, ქალაქის ყველა ქუჩაზე, რათა მოსახლეობასთან ადგილზე შეხვედრების დროს უკეთ გავიგოთ მათთვის პრიორიტეტული საკითხები. მუნიციპალიტეტის ბიუჯეტი სწორედ მოსახლეობის მიერ გამოთქმულ პრიორიტეტებზე დაყრდნობით იგეგმება.

კანონიერება, საჯაროობა, კოლეგიურობა, ადგილობრივი ხელისუფლების ერთიანობის პრინციპი და მოსახლეობის წინაშე ანგარიშვალდებულება - ეს ის ძირითადი მიმართულებებია, რომლითაც მუნიციპალიტეტის ხელმძღვანელობს. სწორედ ამ პრინციპების დაცვითა და კანონმდებლობით განსაზღვრული უფლებამოსილებების შესრულებით იწყება თითოეული სამუშაო დღე.

ადგილობრივი ხელისუფლების ერთიანობის პრინციპის დაცვამ, რომელიც გულისხმობს წარმომადგენლობით და აღმასრულებელ ორგანოთა ერთ ორგანიზმად არსებობას, ჩამოაყალიბა ეფექტური მენეჯმენტი და საფუძველი ჩაუყარა სწორ ადმინისტრირებას.

ახალციხის მუნიციპალიტეტის მერია ყოველდღიურ რეჟიმში ახორციელებს რეაგირებას მოქალაქეთა მიმართებებზე. მიუხედავად იმისა, რომ განსაზღვრულია მოქალაქეთა მიღების კონკრეტული დღეები, მუნიციპალიტეტის მერი და სრული კოლექტივი ყოველდღიურად ახდენს რეაგირებას მოქალაქეების მხრიდან შემოსულ ზეპირ და წერილობით მიმართებებზე. ახალციხის მუნიციპალიტეტის მერიის სტრუქტურული წყობა, მისი საქმიანობის მიმართულებები მაქსიმალურადაა მორგებული ჩვენი მოსახლეობის ინტერესებს. ყურადღების მიღმა არ დარჩენილა არც-ერთი სფერო, სადაც კი იკვეთება ჩვენი მოსახლეობისთვის საჭირობოროტო საკითხები.

მუნიციპალიტეტის მერია აქტიურად თანამშრომლობს მედია და არასამთავრობო

სექტორებთან, სამოქალაქო საზოგადოებასთან. ჩვენ გაგვაჩნია მუდმივი მზაობა, ვიქონიოთ კომუნიკაცია და თანამშრომლობა ყველა იმ ორგანიზაციასთან, თუ კერძო პირთან, ვინც მზადაა ჩვენთან ერთად უკეთესობისკენ შეცვალოს ახალციხის მუნიციპალიტეტის მოსახლეობის სოციალური და ეკონომიური სტატუსი. თავის საქმიანობაში, ახალციხის მუნიციპალიტეტის მერია აბსოლუტურად გამჭვირვალეა და ეს ჩვენს ერთ-ერთ მთავარ ღირსებად მიგვაჩნია. მუნიციპალიტეტის მერია აერთიანებს მერს, გმერის პირველ მოადგილეს, მერის ორი მოადგილეს და 9 სტრუქტურულ ერთეულს, რომლებიც თავისი ფუნქციურ დანიშნულებათა მიხედვით, ახორციელებენ დაკისრებულ მოვალეობებს, ეს სტრუქტურული ერთეულებია:

1. ადმინისტრაციული და იურიდიული სამსახური;
2. საფინანსო-საბიუჯეტო სამსახური;
3. ეკონომიკური სამსახური;
4. სახელმწიფო შესყიდვების სამსახური;
5. სივრცითი მოწყობისა და ინფრასტრუქტურის სამსახური;
6. განათლების, კულტურისა და სპორტის სამსახური;
7. შიდა აუდიტისა და ინსპექტირების სამსახური
8. ზედამხედველობის სამსახური;
9. სამხედრო აღრიცხვის, გაწვევისა და მობილიზაციის სამსახური

საკანონმდებლო ცვლილებებიდან გამომდინარე, მოხდა უკვე გაუქმებული ორი მუნიციპალიტეტის მიერ დაფუძნებული ერთგვაროვანი იურიდიული პირების შერწყმა/გაერთიანება და დღეის მდგომარეობით ახალციხის მუნიციპალიტეტი ითვლის მის მიერ დაფუძნებულ 12 (თორმეტი) არასამეწარმეო (არაკომერციული) იურიდიული პირს და 3 (სამი) შეზღუდული პასუხისმგებლობის საზოგადოებას, რომლებიც საქმიანობას ახორციელებენ კულტურული, საგანმანათლებლო, სპორტული და ჯანდაცვის მიმართულებებით.

წარმოგიდგენთ, ახალციხის მუნიციპალიტეტის მერიაში შემავალი თითოეული სამსახურის მიერ გაწეულ საქმიანობას საანგარიშო პერიოდში.

ადმინისტრაციული და იურიდიული სამსახური

მუნიციპალიტეტის მერიის ადმინისტრაციული და იურიდიული სამსახური უზრუნველყოფს შემოსული განცხადებებისა და წერილების სათანადოდ გაფორმებას, მათ გადაცემას შემსრულებლისათვის, შემდგომში კი – დოკუმენტის შესრულების კონტროლს და შესრულების მიმდინარეობის შესახებ ინფორმაციის მომზადებას, ასევე მუნიციპალიტეტის მერიიდან გასული დოკუმენტაციის სათანადოდ აღრიცხვასა და ადრესატისათვის დროულ გაგზავნას, აგრეთვე სამსახურის მთავარი ამოცანაა ადამიანური რესურსების მართვა, საკადრო საკითხები, ჯანდაცვა და სოციალური საკითხები, მერიის მხრიდან საზოგადოებასა და მედიასთან ურთიერთობა, იურიდიული, გენდერული და საორგანიზაციო საკითხების უზრუნველყოფა .

საანგარიშო პერიოდში ახალციხის მუნიციპალიტეტის მერიაში შემოსულია 15 967 სხვადასხვა კორესპონდენცია, მათ შორის:

ფიზიკური პირის განცხადება - 3 656

ორგანიზაცია/დაწესებულებები - 7 901
 მოხსენებითი ბარათი - 4 410

მომზადებული და ადრესატისთვის გადაგზავნილია - 7 848 სხვადასხვა კორესპონდენცია
 2018 წლამდე ახალციხის მუნიციპალიტეტის მერიის ადმინისტრაციული და იურიდიული სამსახური, მოქმედი კანონმდებლობის, მუნიციპალიტეტის მერიის დებულების, ადმინისტრაციული და იურიდიული სამსახურის დებულების და სხვა სამართლებრივი აქტების შესაბამისად ახორციელებდა კანონით გათვალისწინებულ საქმიანობას. შესასრულებლად გადმოცემული დოკუმენტზე რეაგირება განხორციელდა დადგენილი წესით – ვადების სრული დაცვით. აღნიშნული სამსახურის მეშვეობით ასევე განხორციელდა 2235 ინდივიდუალურ-ადმინისტრაციული სამართლებრივი აქტის პროექტის განხილვა და შესაბამისი ვიზირება, განხორციელდა 36 ხელშეკრულების მომზადება და განხილვა. სისტემატიური ხასიათით მიმდინარეობდა კონსულტაციების გაწევა მოქალაქეთათვის იმ ძირითადი მიმართულებით როგორცაა უძრავი ქონების რეგისტრაცია. ხდებოდა ჯანდაცვის საკითხებთან დაკავშირებული კონსულტაციების გაცემა და შესაბამისი დოკუმენტების შეგროვებაში ხელშეწყობა, რამაც მოქალაქეებს გაუმარტივა მათ მიერ მოთხოვნილი განცხადების დაკმაყოფილების შესაძლებლობა.

სამსახურის მეშვეობით განხორციელდა მუნიციპალიტეტის სტრუქტურული ერთეულების დებულებებში ცვლილებების შეტანა და მათი მოქმედ კანონთან შესაბამისობაში მოყვანა, ისევე როგორც მუნიციპალიტეტის სამოქმედოდ საჭირო სხვა არაერთი ნორმატიული აქტის პროექტის მომზადება და მათი საკრებულოს სხდომაზე წარდგენა.

საანგარიშო პერიოდში 21 (ოცდაერთი) სასამართლო პროცესი მიმდინარეობდა, რომელთა დასრულებაც მოხდა როგორც მხარეთა მორიგებით, ასევე სარჩელის ნაწილობრივ და სრული დაკმაყოფილებით.

მუნიციპალიტეტმა საკუთარი უფლებამოსილებებიდან ერთ-ერთ პრიორიტეტულად გამოყო სამოქმედო ტერიტორიაზე რეგისტრირებული მოსახლეობის ჯანმრთელობისა და სოციალური მდგომარეობის გაუმჯობესებაზე ზრუნვა. აღნიშნული მიზნის მისაღწევად, შემუშავებული იქნა „ახალციხის მუნიციპალიტეტის 2018 წლის ბიუჯეტიდან სოციალური დახმარების გაცემის წესი“, რომელიც ძირითად სამოქმედო დოკუმენტად იქცა მერიის ჯანმრთელობის დაცვისა და სოციალური უზრუნველყოფის განყოფილებებისათვის. აღნიშნული განყოფილებების მიერ დამუშავებული საკითხების განხილვა ხდებოდა „ახალციხის მუნიციპალიტეტის მერიის 2018 წლის ბიუჯეტიდან სოციალური დახმარების მიზნობრივად გაცემის მიზნით სამუშაო ჯგუფის“ მიერ.

სამუშაო ჯგუფის მუშაობის შედეგად 2280-მა ბენეფიციარმა მიიღო 709 224 ლარის ოდენობის დახმარება. შემდეგი მიმართულებებით:

ღონისძიების დასახელება	
ახალციხის მუნიციპალიტეტის ტერიტორიაზე რეგისტრირებული მოქალაქეების სამედიცინო მომსახურების დაფინანსება	887
	ბენეფიციარი
	318 951 ლარი

ა.ა.ი.პ სამუსიკო, სამხატვრო და სასპორტო სკოლების გადსახადის დაფინანსება	254 მოსწავლე
	32 778 ლარი
ახალციხის მუნიციპალიტეტის ტერიტორიაზე რეგისტრირებულ ახალშობილთა ოჯახების ერთჯერადი ფულადი დახმარება	355 ოჯახი
	54 750 ლარი
სამშობლოს დაცვისას დაღუპულთა და ომის შემდეგ გარდაცვლილ მეომართა სარიტუალო მომსახურეობა	5 ბენეფიციარი
	1250 ლარი
ახალციხის მუნიციპალიტეტის სოფელ აწყურში მეწყერის შედეგად დაზარალებულ უსახლკაროთათვის ყოველთვიური სოციალური დახმარება	6 ბენეფიციარი
	8 250 ლარი
ახალციხის მუნიციპალიტეტის ტერიტორიაზე რეგისტრირებულ შშმ პირთა ერთჯერადი სოციალური დახმარება	260 ბენეფიციარი
	49 850 ლარი
ხანძრით დაზარალებულ პირთა დახმარება	8 დაზარალებული
	9 100 ლარი
ლტოლვილთა და იძულებით გადაადგილებული პირთა დახმარება (სასურსათო პაკეტი)	95 ბენეფიციარი
	11 800 ლარი
შეჭირვებული მოსახლეობის სოციალური დახმარება სასურსათო პაკეტებით	88 ბენეფიციარი
	21 120 ლარი
დედ-მამით ობოლი ბავშვების დახმარება	2 ბენეფიციარი
	2400 ლარი
ვეტერანთა სოციალური დახმარება	35 ვეტერანი
	17 075 ლარი
ჰემოდიალიზით მოსარგებლეთა სოციალური დახმარება	23 ბენეფიციარი
	23 000 ლარი
უხუცესთა სოციალური დახმარება	1 უხუცესი
	400
შშმ ბავშვთა სოციალური დახმარება	62 ბენეფიციარი
	17 000 ლარი
უპატრონო მიცვალებულის სარიტუალო მომსახურება	1 ბენეფიციარი
	500
ბინის ქირით უზრუნველყოფა	2

		1500
უფასო სასაღილოს მომსახურება		196
		139 500
სულ ჯამი		
ბენეფიციართა რაოდენობა		2280
დაფინანსების მოცულობა		709 224

საფინანსო-საბიუჯეტო სამსახური

ახალციხის მუნიციპალიტეტის მერიის საფინანსო-საბიუჯეტო სამსახური წარმოადგენს მუნიციპალიტეტის საფინანსო-საბიუჯეტო სფეროს მართვის მიზნით შექმნილი სტრუქტურული ერთეულს. სამსახურის ძირითადი ფუნქციაა თვითმართველი ერთეულის ბიუჯეტის პროექტის მომზადება, მუნიციპალური პროგრამების საფინანსო გაანგარიშებადასაბუთება. მიღებული ბიუჯეტის შესრულება, საბიუჯეტო სახსრების მიზნობრივი, მიზანშეწონილი და ეფექტიანი გამოყენება და ბიუჯეტის შესრულების შესახებ ანგარიშგების უზრუნველყოფა.

როგორც მოგეხსენებათ, მუნიციპალიტეტისათვის კანონმდებლობით მინიჭებული უფლებამოსილების განხორციელების ერთ-ერთი ძირითადი წყაროა არსებული ფინანსები, რომლის გამოყენებითაც უნდა განხორციელდეს მთელი რიგი ღონისძიებები, რაც საწინდარი გახდება ინფრასტრუქტურის განვითარების, ეკონომიკის გაძლიერებისა და სოციალური გარემოს გაუმჯობესებისთვის.

2018 წლის დასაწყისში ახალციხის მუნიციპალიტეტის ბიუჯეტმა შეადგინა 14 300,0 (თოთხმეტი მილიონ სამასი ათასი) ლარი, 1 ნოემბრის მდგომარეობით კი 25 722,0 (ოცდახუთი მილიონ შვიდას ოცდაორი ათასი) ათასი ლარია იგი.

2018 წლის ათ თვეში ბიუჯეტიდან სულ გაიხარჯა 15 225,2 (თხუთმეტი მილიონ ორას ოცდახუთი ათას ორასი) ათასი ლარი, მათ შორის სახელმწიფო ბიუჯეტიდან გამოყოფილი დაფინანსებით 4 602,9 (ოთხი მილიონ ექვსას ორი ათას ცხრასი) ლარი, ხოლო ადგილობრივი ბიუჯეტიდან 10 622,6 (სამი მილიონ სამას ორმოცდაცხრამეტი ათას შვიდასი) ათასი ლარი.

აღნიშნულ პერიოდში ინფრასტრუქტურის მშენებლობა-რეაბილიტაციისთვის სულ გაიხარჯა 5 667,5 (ხუთი მილიონ ექვსას სამოცდაშვიდი ათას ხუთასი) ათასი ლარი, მათ შორის სახელმწიფო ბიუჯეტიდან 3 926,2 (სამი მილიონ ცხრას ოცდაექვსი ათას ორასი) ათასი ლარი, ხოლო ადგილობრივი ბიუჯეტიდან 1 741,3 (ერთი მილიონ შვიდას ორმოცდაერთი ათას სამასი) ათასი ლარი.

ახალციხის მუნიციპალიტეტში სკოლამდელი განათლებისთვის გაიხარჯა 2 176,1 (ორი მილიონ ას სამოცდათექვსმეტი ათას ასი) ათასი ლარი, მათ შორის სახელმწიფო ბიუჯეტიდან 144,5 (ას ორმოცდაოთხი ათას ხუთასი) ათასი ლარი, ხოლო ადგილობრივი ბიუჯეტიდან 2 031,6 (ორი მილიონ ოცდათერთმეტი ათას ექვსასი) ათასი ლარი.

2018 წლის ათ თვეში კულტურა, რელიგია, ახალგაზრდობის ხელშეწყობა და სპორტისთვის სულ გაიხარჯა 1 280,1 (ერთი მილიონ ორას ოთხმოცი ათას ასი) ათასი ლარი, მათ შორის სახელმწიფო ბიუჯეტიდან 2,2 (ორი ათას ორასი) ათასი ლარი, ხოლო ადგილობრივი ბიუჯეტიდან 1 277,9 (ერთი მილიონ ორას სამოცდაჩვიდმეტი ათას ცხრასი) ათასი ლარი.

საანგარიშო პერიოდში მოსახლეობის ჯანმრთელობის დაცვისა და სოციალური უზრუნველყოფისათვის გაიხარჯა 719,4 (შვიდას ცხრამეტი ათას ოთხასი) ათასი ლარი.

ეკონომიკური სამსახური

ახალციხის მუნიციპალიტეტის მერიის ეკონომიკური სამსახური უზრუნველყოფს ეკონომიკური განვითარების მუნიციპალური პროგრამების შემუშავებას, განხორციელებას და მუნიციპალიტეტის ქონების მართვას.

სამსახური შეიმუშავებს პროექტებს მერიის მიერ ინვესტიციების მოზიდვის, გარემოს დაცვითი, მუნიციპალიტეტის ტერიტორიაზე მყარი ნარჩენების დასუფთავების საკითხების შესახებ. რეაგირებს მოსახლეობის მხრიდან შემოსულ განცხადებებზე სასოფლო-სამეურნეო მიწის ნაკვეთების სტატუსის, საშემე მერქნის გამოყოფასთან დაკავშირებულ საკითხებზე. სამსახური ახორციელებს რიგ მუნიციპალურ სერვისებზე მოსაკრებლების სახეობის შემუშავებას და შემოსული თანხების მობილიზებას. საანგარიშო წლის პერიოდში, ეკონომიკური სამსახურის მიერ:

- გადამოწმდა ძველი და განახლდა მოსახლეობის საწვავი შემით უზრუნველყოფის მონაცემთა ბაზა.
- სოციალურად დაუცველის სტატუსის მქონე 129 ოჯახს უსასყიდლოდ, ადგილზე მიტანით გადაეცა 169 მ³ საწვავი შეშა.
- განხორციელდა მუნიციპალიტეტის ტერიტორიაზე და კერძო საკუთრებაში არსებული გადაბერებული და საშიშროების შემცველი ხე-მცენარეების ლიკვიდაცია და გადაბეღვა
- ხდებოდა მოსახლეობის კონსულტირება პირუტყვის დაავადებების თავიდან აცილების, კერძო საკუთრებაში არსებული ნაკვეთებიდან ხე-მცენარეების მოჭრისა და ტრანსპორტირების წესების და სხვა აქტუალური საკითხების ირგვლივ.
- მოქალაქეთა განცხადებების საფუძველზე, არსებული წესის მიხედვით წარმოდგენილი დოკუმენტების საფუძველზე განხორციელდა 15 ბინის პრივატიზაცია;

მოსაკრებელთან დაკავშირებით სხვადასხვა მეწარმე სუბიექტებთან და იურიდიულ პირებთან გაფორმებულია ჯამში 605 ხელშეკრულება, რომელიც მიმდინარე პროცესშია, აგრეთვე დაწყებულია ფიზიკურ პირებზე დასუფთავების მოსაკრებლის ქვითრების დარიგება ქალაქის ტერიტორიაზე. შექმნა ელექტრონული ბაზები როგორც იურიდიული პირების ისე ფიზიკური პირების მოანცემებით. აღწერილი შრომით გაიზარდა დასუფთავების მოსაკრებლიდან შემოსული თანხების რაოდენობა, რაც საშუალოდ 16 000-დან 17 000 -მდე მერყეობს.

ახალშექმნილმა მუნიციპალიტეტმა გაერიანების შემდეგ , წარმოდგენილი სამსახურის მუშაობის შედეგად, მოახდინა გაუქმებული მუნიციპალიტეტის საკუთრებაში არსებული უძრავი და მოძრავი ქონების, ახლად შექმნილი მუნიციპალიტეტის სახელზე გადმორეგისტრირება.

სახელმწიფო შესყიდვების სამსახური

სახელმწიფო შესყიდვების სამსახური წარმოადგენს ახალციხის მუნიციპალიტეტის მერიის იმ სტრუქტურულ ერთეულს, რომელიც უზრუნველყოფს მუნიციპალური შესყიდვებისათვის განკუთვნილი ფულადი სახსრების რაციონალურ ხარჯვას, შესყიდვის პროცედურების კანონიერების დაცვას, კონკურენტული გარემოს შექმნას, შესყიდვების

პროცესის გამჭვირვალობას და მუნიციპალიტეტის მატერიალურ უზრუნველყოფას. მოგახსენებთ, რომ საანგარიშო პერიოდში სახელმწიფო შესყიდვების წლიური გეგმით გათვალისწინებული შესყიდვებიდან განხორციელდა შემდეგი შესყიდვა;

2017-2018 წლებში სახელმწიფო შესყიდვების წლიური გეგმის შესაბამისად 2017 წელს განხორციელდა შემდეგი სახელმწიფო შესყიდვები:

ა) გამარტივებული ელექტრონული ტენდერის მეშვეობით განხორციელდა: **33** სახელმწიფო შესყიდვა;

ბ) კონსოლიდირებული ტენდერის მეშვეობით განხორციელდა: **8** სახელმწიფო შესყიდვა.

გ) ელექტრონული ტენდერის მეშვეობით განხორციელდა: **9** სახელმწიფო შესყიდვა;

2018 წლის სახელმწიფო შესყიდვების წლიური გეგმის შესაბამისად 2018 წელს განხორციელდა შემდეგი სახელმწიფო შესყიდვები:

ა) ელექტრონული ტენდერის მეშვეობით განხორციელდა: **93** სახელმწიფო შესყიდვა;

გ) გამარტივებული შესყიდვის მეშვეობით განხორციელდა: **213** სახელმწიფო შესყიდვა;

დ) კონსოლიდირებული ტენდერის მეშვეობით განხორციელდა: **13** სახელმწიფო შესყიდვა.

სულ **ჯამში განხორციელდა 369** შესყიდვა.

2017-2018 წლებში ახალციხის მუნიციპალიტეტის მერიას გამოცხადებული აქვს 174 ერთეული ტენდერი, მათ შორის: ხელშეკრულება გაფორმებულია -102 ტენდერზე; შეყვებილია: 7 ტენდერი; არ შედგა: 42 ტენდერი; უარყოფითი შედეგით დასრულდა - 5 ტენდერი.

ახალციხის მუნიციპალიტეტის მერიასთან არსებულმა, მუნიციპალიტეტის სატენდერო კომისიამ, რომელსაც თავმჯდომარეობს ახალციხის მუნიციპალიტეტის მერი, საანგარიშო წლის პერიოდში, ჩაატარა თითქმის 100 კომისია შესაბამისი გადაწყვეტილებების მიღების მიზნით.

სივრცითი მოწყობისა და ინფრასტრუქტურის სამსახური

ახალციხის მუნიციპალიტეტის მერიის სივრცითი მოწყობისა და ინფრასტრუქტურის სამსახური და ზედამხედველობის სამსახური არის მუნიციპალიტეტის მერიის ის სტრუქტურული ერთეული, რომელიც უზრუნველყოფს მერიის უფლებამოსილებას მიკუთვნებული სივრცით-ტერიტორიული მოწყობის, დასახლებების დაგეგმარებისა და მშენებლობის საკითხების კოორდინაციას, არქიტექტურულ-სამშენებლო საქმიანობის დადგენილი წესების დარღვევის ფაქტების გამოვლენას და შესაბამისი ღონისძიებების გატარებას, კეთილმოწყობის წესებისა და გარე იერსახის კეთილმოწყობაზე ზრუნვას.

2017 წლის ნოემბრიდან დღემდე სივრცითი მოწყობისა და ინფრასტრუქტურის სამსახურისა და ზედამხედველობის სამსახურის მიერ აქტიურად მიმდინარეობს მოსახლეობის მხრიდან შემოსული წერილების განხილვა ადგილზე გასვლით და მოსახლეობის მიერ დასმული პრობლემების გადაწყვეტა, აღნიშნულ პერიოდში გაიცა 98 სანებართვო პირობა და და მოხდა 51 ობიექტის ვარგისად აღიარება (ექსპლუატაცია). მთელი წლის განმავლობაში ინსპექტირების ჯგუფი რომელიც დაკომპლექტებული

აღნიშნული სამსახურის თანამშრომლების მხრიდან, აქტიურად ახორციელებდა მუნიციპალიტეტის მიერ გამოცხადებული ტენდერების მიხედვით სამშენებლო ობიექტებზე ხარისხის კონტროლს, სამსახურის მიერ მომზადებული იქნა 2019 წელს განსახორციელებელი პროექტების ნუსხა და მოხდა სამწლიანი სამოქმედო გეგმის მომზადება, რომელიც ეხება 2019-2021 წლების პერიოდს.

მიმდინარე წელს ისევე როგორც წინა წლების პერიოდში, სივრცითი მოწყობისა და ინფრასტრუქტურის სამსახურისა და ზედამხედველობის სამსახურის მიერ დიდი დრო დაეთმო და მომზადდა საპროექტო-სახარჯთაღრიცხვო დოკუმენტაციები, რომელთა საერთო რაოდენობამ 85 ერთეული შეადგინა, ხოლო სატენდერო ღირებულება 5 216 162 ლარს შეადგენს, ასევე წლის დასაწყისში შემოწმებული და დაკორექტირებული იქნა საპროექტო ორგანიზაციების მიერ გამზადებული საპროექტო-სახარჯთაღრიცხვო დოკუმენტაციები, რომელთა მიხედვითაც მოხდა რეგიონებში განსახორციელებელი პროექტების ფონდის მიერ დაფინანსებული სამშენებლო სამუშაოების წარმოება.

წინა წლებთან შედარებით აღნიშნულ პერიოდში, განსაკუთრებული ყურადღება დაეთმო გზების მოვლა-პატრონობას. ზამთრის სეზონის დადგომისთანავე მოხდა ასფალტო-ბეტონისა და გრუნტის გზაზე ქვიშა-მარილის ნარევის გადანაწილება საავტომობილო გზების სახიფათო მონაკვეთებზე. ასევე მიმდინარე წელს გარე განათებების ნაწილი შეიცვალა ეკონომიკური სანათებით და დამონტაჟდა ახალი განათებები, ყოველივეს კი ზემოაღნიშნული სამსახურების მხრიდან სისტემატიური ზედამხედველობა ხორციელდებოდა.

სამწუხაროდ მიმდინარე წელსაც არ ჩაუვლია სტიქიის გარეშე, მოსული წყალდიდობის შედეგად, რომელმაც დააზიანა ვალის, წყალთბილის, აბათხევის, ჯუღლის მოსახლეობა და მოხდა სასოფლო სამეურნეო სავარგულების წარეცხვა/დატბორვა, დაზიანდა სამანქანო და საცალფეხო გზები, ხიდები, სტიქიით მიყენებული ზარალი სამსახურის მიერ დათვლილი იქნა უმოკლეს ვადებში და მომზადდა გამაგრებითი სამუშაოების საპროექტო სახარჯთაღრიცხვო დოკუმენტაციები, რომლის მიხედვით წარმატებით და უმოკლეს ვადებში გამაგრდა დაზიანებული ხიდები და აღდგა მოძრაობა დაზიანებულ გზებზე.

ზემოაღნიშნულ პერიოდში მუნიციპალიტეტის მიერ განხორციელებულ და მიმდინარე ინფრასტრუქტურულ პროექტებს გააჩნდა დაფინანსების სამი წყარო, რომელთა სატენდერო ღირებულებამ შეადგინა:

- 1) ადგილობრივი ბიუჯეტი - 4 367 811 ლარი (61 სატენდერო დოკუმენტაცია)
- 2) რეგიონებში განსახორციელებელი პროექტების ფონდი - 7 760 815 ლარი (13 პროექტი)
- 3) მაღალმთიანი დასახლების განვითარების ფონდი - 1 600 000 ლარი. (1 პროექტი)

(წარმოდგენილ ანგარიშს დანართის სახით თან ახლავს, მუნიციპალიტეტის მხრიდან 2015 წელს შესრულებული ინფრასტრუქტურული პროექტების დეტალური ინფორმაცია)

განათლების, კულტურისა და სპორტის სამსახური

მოგახსენებთ, რომ ახალციხის მუნიციპალიტეტის მერიის განათლების, კულტურისა და სპორტის სამსახური მუშაობას წარმართავს წლის დასაწყისში დამტკიცებული სამუშაო გეგმის მიხედვით. გეგმა კი ორიენტირებულია მუნიციპალიტეტში ახალგაზრდული, კულტურული და სპორტული მიმდინარეობის განვითარებისაკენ.

სამსახურს, წინა წლებთან შედარებით, მუშაობის არეალი კიდევ უფრო გაეზარდა და ფართო მასშტაბები მიიღო, რაც განაპირობა მუნიციპალიტეტის სოფლებში ახალგაზრდული და განახლებული ბიბლიოთეკებმა, ახალგაზრდული ცენტრებმა, კულტურის სახლებმა, და რაც მთავარია მუნიციპალიტეტის არეალის გაზრდამ.

კულტურის სამსახურის უშუალო მონაწილეობით სოფლებში ჩამოყალიბდა ახალგაზრდული კლუბები, სადაც განიხილებოდა ახალგაზრდების იდეები სამომავლოდ განსახორციელებელი ღონისძიებების დასაგეგმად.

გაუმჯობესებულმა პირობებმა ახალგაზრდებს გააქტიურების სტიმული მისცა. მათი უშუალო მონაწილეობით, კულტურის სამსახურის მიერ ჩატარდა მრავალი სხვადასხვა სახის ღონისძიება: ახალგაზრდული, სპორტული, კულტურული, ინტელექტუალურ-შემეცნებითი. მოეწყო ექსკურსია-ლაშქრობები.

საანგარიში წლის პერიოდში შემოხსენებული სამსახური უშუალო მონაწილეობით ჩატარდა:

- 21 ახალგაზრდული ღონისძიება - **42 532 ლარი**;
- 53 ღონისძიება სპორტის სხვადასხვა სახეობაში - **41 335,4 ლარი** ;
- 38 კულტურული ღონისძიება - **153 743 ლარი**;
- 21 სხვადასხვა ღონისძიებებში (ფესტივალი, ექსკურსია, სპორტული ღონისძიება და ა.შ) მონაწილეობის ხელშეწყობის უზრუნველყოფა - **9903 ლარი**; **კულტურის სამსახურმა ჩატარებული ღონისძიებების საშუალებით შეძლო:**
- წარმატებული ადამიანები კიდევ ერთხელ წარედგინა საზოგადოებისათვის და დაეფასებინა მათი ღვაწლი.
- შშმ პირებთან აქტიური ურთიერთობით, შეძლო მათ თავი ეგრძნოთ საზოგადოების სრულუფლებიან წევრებად.
- ხელი შეუწყო ეთნიკური უმცირესობების ინტეგრაციას.
- წარმატებულ ახალგაზრდებს სტიმული მისცა შემდგომი ნაყოფიერი საქმიანობისთვის

გარდა გეგმიური მუშაობისა, სამსახური აქტიურად თანამშრომლობდა მუნიციპალიტეტის საჯარო სკოლებთან, არასამთავრობო ორგანიზაციებთან და ურთიერთთანამშრომლობით რეგულარულად ატარებდა სხვადასხვა სახის შემეცნებით და გასართობ ღონისძიებებს, როგორც სასკოლო, ასევე სკოლის შემდგომი ასაკის

ახალგაზრდებისათვის ახალგაზრდული, კულტურული და სპორტული ღონისძიებების სახით.

სამხედრო აღრიცხვის, გაწვევისა და მობილიზაციის სამსახური

ჭაბუკთა პირველადი აღრიცხვა, წვევამდელთა აღრიცხვა მომზადება და გაწვევა საქართველოს შეიარაღებულ ძალებში, რეზერვისტთა აღრიცხვა საკონტრაქტო სამსახურისათვის, დოკუმენტების მომზადება პირადი საქმეების შექმნა და შეარაღებულ ძალებში გაწვევა, აქტიური და სამობილიზაციო რეზერვის მომზადება... ეს ის ძირითადი მიმართულებებია რასაც ყოველდღიურად ახალციხის მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახური უზრუნველყოფს.

- 2018 წლის თებერვლიდან 30 აპრილის ჩათვლით ჩატარდა 2001 წელს დაბადებულ ჭაბუკთა პირველად სამხედრო აღრიცხვაზე აყვანა. სამხედრო აღრიცხვაზე აყვანილი იქნა 215 ჭაბუკი.
- 2018 წლის საგაზაფხულო და საშემოდგომო გაწვევაზე გაწვეული იქნა 77 წვევამდელი.
- წლის განმავლობაში პროფესიულ საკონტრაქტო სამსახურში გაწვეულია 12 წვევამდელი, ხოლო შსს ვადიან საკონტრაქტო სამსახურში 26 წვევამდელი.
- საკონტრაქტო პროფესიულ სამსახურში გაწვეულია 32 რეზერვისტი, აქედან 2 (ორი) ქალია.

სამსახურის ყველა თანამშრომელი მობილიზებულია და ინტენსიურ მუშაობას ეწევა აღრიცხვაზე მყოფ წვევამდელებთან და რეზერვისტებთან, რათა სრულად დაკომპლექტდეს სამობილიზაციო თუ აქტიური რეზერვი და სრულფასოვნად იქნეს შევსებული წვევამდელთა გასაწვევი რაოდენობა.

შიდა აუდიტისა და ინსპექტირების სამსახური

2017 წლის ნოემბრისა და დეკემბრის თვეში მომზადდა და დამტკიცდა 2018-2020 წლების შიდა აუდიტისა და ინსპექტირების სამსახურის სტრატეგიული და 2018 წლის წლიური გეგმა.

მიმდინარე წელს, 01 იანვრიდან - 01 ნოემბრამდე პერიოდში, ახალციხის მუნიციპალიტეტის მერის მიერ, 2018 წლის 4 აპრილს დამტკიცებულია შიდა აუდიტისა და ინსპექტირების სამსახურის წლიური გეგმის შესაბამისად, შესაბამისობისა და ფინანსური აუდიტი ჩატარდა აუდიტის შემდეგ ობიექტებთან:

- ა(ა)იპ „ახალციხის ციხე“;
- ა(ა)იპ „ახალციხის მუნიციპალიტეტის საზოგადოებრივი ჯანდაცვის სამსახური“;
- ა(ა)იპ „ახალციხის მუნიციპალიტეტის სკოლამდელი აღზრდის დაწესებულება“; რომელიც ამჟამად, დასკვნით ეტაპზეა;

- ა(ა)იპ „ახალციხის მუნიციპალიტეტის კულტურის დაწესებულებების გაერთიანების“ ფინანსური და შესაბამისობის აუდიტის ანგარიში.

ამავდროულად, მოსამზადებელი სამუშაოები დაწყებულია 03.03.02 საბიუჯეტო კოდით გათვალისწინებული პროგრამის „პარკებისა და სკვერების მშენებლობა რეაბილიტაციის“ ფინანსური და შესაბამისობის აუდიტის განსახორციელებლად.

შიდა აუდიტისა და ინსპექტირების სამსახურის მიერ ჩატარებული აუდიტის ანგარიშებში მითითებული ნაკლოვანებების გამოსასწორებლად აუდიტის ობიექტებს მიეცათ შემდეგი რეკომენდაციები:

აღნიშნული რეკომენდაციების ნაწილის გათვალისწინება აუდიტის ობიექტების მიერ განხორციელდა უშუალოდ აუდიტის მიმდინარეობის პერიოდში, ხოლო ნაწილი რეკომენდაციებისა შესრულება მოხდა აუდიტის ჩატარებიდან უმოკლეს ვადაში. ორგანიზაციის შემდგომ წარმატებით მუშაობაზე, აუდიტის ჩატარება მოქმედებს დადებითად. რაც თავის მხრივ ხელს უწყობს ორგანიზაციის შიდა ფინანსური კონტროლის ეფექტურად წარმართვას.

დასკვნითი ნაწილი

ჩვენი მოსახლეობის მხრიდან გამოჩენილი მხარდაჭერა, ჩვენს მიერ საანგარიშო პერიოდში გაწეული საქმიანობა, მერიის კვალიფიციური ადამიანური რესურსები, გვამღევეს იმის საფუძვლიან იმედს, რომ ახალციხის მუნიციპალიტეტის მერია მომავალში შეეჭიდება და დამღევეს უფრო დიდი და საპატიო სიმადლეებს.

ახალციხის მუნიციპალიტეტის თითოეული თანამშრომელი მოწოდებულია, რომ ჩვენს მიერ გაცემული ყოველი დაპირება პრაქტიკულად იქნეს ხორცშესხმული ცხოვრებაში და მერიამ, მუნიციპალიტეტის მოსახლეობასთან, სამოქალაქო სექტორთან, სხვადასხვა პარტნიორთან ერთობლივი თანადგომით უკეთესობისკენ შეცვალოს ჩვენი მუნიციპალიტეტის აწმყო და უახლოესი მომავალი.

გმადლობთ ყურადღებისთვის!